



Sakspapir

Sakshandsamar	Arkiv	ArkivsakID
Stian Herøy	FE-411	19/144

Saksnr	Utval	Type	Dato
029/19	Kommunestyret	PS	23.04.2019

Framlegg til vidare arbeid i sak om tilsetjing av ny rådmann i Fedje kommune

Saksutgreiing:

Bakgrunn

På kommunestyremøtet 28.juni 2018 gjorde følgjande vedtak – 046/18:

Kommunestyret vedtek at det vert sett ned ei arbeidsgruppe frå formannskapet samt ein representant frå dei uavhengige og to frå dei tillitsvalde til å styre prosessen fram til tilsetjing av ny rådmann i Fedje kommune. Gruppa skal i kommunestyremøtet 25.september 2018 leggja fram ein plan for framdrift i saka. Det fell naturleg at ordføraren vert leiar for gruppa. (Vedtaket vart gjort mot Ap sine tre røyster).

Arbeidsgruppa hadde første møte 12.09.18. Rådmannen har vore med som sekretær i gruppa heile tida. Seinare er personalsjef i Lindås kommune, Helge Erik Tangen, teken med i arbeidsgruppa.

Frå tidleg haust vart det sett i gang ein prosess blant tilsette og dei politiske partia der ein vart bedne om å svare på spørsmåla: Kva krav stiller me – og kva forventningar har med til den nye rådmannen? Det kom fram særst mange interessante innspel som danna grunnlag for arbeidsgruppa sin utlysningstekst.

Vurdering

Det kom inn 12 søknader innan fristen. Ein av søkjarane trekte seg etter få dagar. Det kom og inn ein søknad etter fristen. Denne søknaden vart avvist.

Arbeidsgruppa inviterte 4 kandidatar til intervju 16. og 17.april. Konklusjonen til gruppa etter den runden, er at 6 medlemmer vil innstilla 1 kandidat til rådmannsstillinga: Gjermund Hagesæter. Dersom me ikkje skulle klara å få ein avtale med han, innstiller ein på ei 2.gongs utlysning.

Mindretalet på 1 person i arbeidsgruppa meiner at ein bør gå vidare med to søkjarar: Gjermund Hagesæter og Kjetil Skjeie. Å gå vidare inneber at ein gjennomfører ein kartleggingstest gjennom DISC-Work of Leaders, og i etterkant eit 2.gongs intervju.

Meir om kandidatane

Gjermund Hagesæter:



Fedje kommune

- Oppvaksen i Hjelmås i Lindås kommune, 58år, gift, to voksne born, ønsker å busette seg på Fedje.
- Utdanna jurist og bedriftsøkonom, har jobba 7 år i Lindås kommune som ass. helse- og sosialsjef og som juridisk konsulent
- Han har vore stortingsrepresentant frå Hordaland i fire periodar frå 2001
- Har i dag to deltidsjobbar: informasjonssjef i datasenterbedrifta Kryptovalut AS og partner i kommunikasjonsbyrådet Panor Public Affairs

Kjetil Skjeie:

- Oppvaksen i Hordaland, 56år, gift, to born på 16 og 17år.
- Utdanning: Bachelor i rekneskap og revisjon
- Rådmann i Løddingen kommune sidan 2015. Har framforhandla avtale om å fråtre 1.mai 2019, om kommunestyret godkjenner avtalen. Har tidlegare vore adm.dir. i fleire transportselskap frå 1999 til 2015.

Folkehelse – ikkje relevant.

Miljø – ikkje relevant.

Økonomi – ikkje relevant.

Konklusjon

Kommunestyret ønskjer å tilby Gjermund Hagesæter stillinga som rådmann i Fedje kommune, og ber formannskapet om å forhandla fram ein arbeidsavtale som vert lagt fram for kommunestyret til godkjenning.

Forslag til vedtak:

Kommunestyret ønskjer å tilby Gjermund Hagesæter stillinga som rådmann i Fedje kommune, og ber formannskapet om å forhandla fram ein arbeidsavtale som vert lagt fram for kommunestyret til godkjenning.

Kommunestyret - 029/19

K - behandling:

Ordførar fremma forslag om å lukke møtet, i tråd med kommunelova § 31 punkt 5, på grunn av opplysningar som kan unntakast offentlegheit etter offentleglova § 23 og § 25.

Kommunestyret inviterte inn dei to HTVane som har vore med i prosessen, HTV Fagforbundet og HTV Utdanningsforbundet.

Samrøystes vedteke.

K - vedtak:

Kommunestyret ønskjer å tilby Gjermund Hagesæter stillinga som rådmann i Fedje kommune, og ber formannskapet om å forhandla fram ein arbeidsavtale som vert lagt fram for kommunestyret til godkjenning.



Fedje kommune

Vedteke med 12 mot 2 røyster. Martin Karlsen (Ap) og Terje Blomvågnes (Ap) røysta mot framlegget.